

Regio.
Nomina & un-
de dicta.

Sicilia ante omnes Mediterranei maris Insulas claritate eminens, Thucydidi *Sicania* a *Sicano*, qui, ut Solinus & Capella scribunt, cū Iberica manu in eam terram ante bella Trojana devenit. *Trinacria* pluribus, ac præsertim Poetis, ob tria Promontoria. A specie etiam *Triquetra*: tribus enim Promontoriis in diversa procurrens, Græcæ litteræ imaginem quæ Delta dicitur, efficit. Tria illa Promontoria autem sunt *Pelorus*, *Pachynus*, & *Lilybaum*. *Sicilia* Græcis. Ceterum ut quidam arbitrantur.

Trinacria quondam

Italia pars una fuit, sed pontus & æstus.

Mutavere situm: rupit confinia Nereus

Victor, & abscessos interluit aquore monteis.

Situs.

Cœli temperies.
Soli fertilitas.

Atque hinc *Rhegium* in Italia dictum quod illic Siculum latus ab Italia divulsū. A Septentrione Mari Tyrrheno seu Infero pulsatur; ab Ortu Hadriatico vel Supero & Ionio; ad Austrum Africo Mari, & ad Occidentem Sardo. Thucydides lib. vi. scribit ambitum Siciliæ non multo minorem esse octo dierum itinere. Tantaque cum sit, ramen tantum xx Stadiorum intervallo dirimi a terra continenti. Insula porro hæc salubritate Cœli, Soli fertilitate, Frugum omnium copia rebusque aliis, quibus indiget Mortalium usus, maxime præstat. Subjacet enim quarto Climati, quod Cœli clementia sex aliis antecellit. Quo fit, ut quidquid Sicilia gignit, sive Soli, sive Hominis ingenio, ut Solinus ait, proximum sit iis quæ optima judicantur. Marcus Caro eam Cellam Penariam Reip. Nutricemque Plebis Romanæ appellavit. Horreum Pop. Romani Strabo. In Agro Sunensi, in quo raptam Proserpinam Veteres finxerunt, loco quem dixerunt *Umbilicum Siciliæ*, tanta est Frumenti ubertas, ut ex uno Tritici Modio centum colligantur; quem Agrum idcirco vocant *Campe dallo cento Salme*. Huic ramen non cedit Ager Leontinus, de quo videndi, Cicero in Verrina. Quid Vina commemorabo optimi saporis odorisque? Vina in Sicilia laudatissima premi, Plinius (qui in recensendis Vinis quibusque optimis diligentissimus ac prope curiosus fuit) peculiariter prædicat. *Balincium* enim Vinum (quod Mulsi saporem habet) in Sicilia ponit. Vocant autem *Mulsum* vinum melle affectum, unde conjicitur *Balincium*. Vinum illud esse quod *Muscacellum*, exactæ dulcedinis vocant. Uvas namque, quarum Apes sunt avidæ, a quibus & *Apiana* dicebatur eas & Muscæ quoque, ut inquit Columella, insectantur, a quibus *Muscacella* vulgo nunc dicuntur, ex quibus Vinum dulcissimum, & eximiæ suavitatis exprimitur, quod *Muscacellum* dicitur: licet plerique a Musci odore, quo plurimum redolet, id ei nomen impositum, existiment. Hac ætate Vinis Siculis jure optimo præstantia debetur, quod cum Italis non impari certamine contendant, tum quod palato æque arrideant, tum quod ætatem optime ferant. Oleum item Sicilia ubertate quadam, & abundantia fundit, Saccarum, Crocum, Mel, Sal, omnis ferme generis Fructus nobilissimos, & Sericum præstantissimum. Est præter hæc Sicilia Metallis etiam dives: Aurum namque habet, Argentum ac Ferrum, & Alumen. Lapidem quoque preciosos gignit, Smaragdum, Achatem, Beryllum, Porphyritem, Iaspidem. Boum, Pecorum, ceterorumque Animantium Armentis Gregibusque densissimis præstat. Damarum etiam Aprorumque Venatione, ac Perdicum ac Araginum

Animalium varietas.